

ҒИЙБАТНИНГ ҲАРОМЛИГИ ҳақида (5-қисм)



14:28 / 15.03.2018 3370

Ҳадис. «Дўзах аҳлининг баданларини қичима қоплади. Бас, улар қашланадилар. Ҳаттоқи улардан бирининг (қашланавериб) **териси тушиб, суяги кўриниб қолади.** Унга: «**Бу сенга азият беряптими?**» деб нидо қилинса, «**Ҳа**» деб жавоб беради. Нидо қилувчи: «**Бу (жазо) мўминларга озор берганинг эвазигадир**», дейди». [\[1\]](#)

Оят. «**Ҳар бир ҳумаза ва лумазага вайл бўлсин. У мол жамлади ва уни санаб турди**». [\[2\]](#) Муфассирлар бу оятнинг омм (умумий) ёки хос экани борасида ихтилоф қилганлар. Баъзи муфассирлар бу оят хос бир киши ҳақида нозил бўлиб, бу оядта фақат ўша одам назарда тутилган, дейдилар. «Тафсири Жалолайн» муаллифи ёзади: «Бу оят Расулуллоҳ соллаллоҳу алайҳи васалламни ва мўминларни ғийбат қилган Валид ибн Муғири ва унинг шериклари ҳақида нозил бўлган». Калбийнинг Ибн Аббос розияллоҳу анхумодан ривоят қилишича, бу оят Ахнас ибн Шарийқ ҳақида нозил бўлган, чунки у Расулуллоҳ соллаллоҳу алайҳи васалламни ҳамиша ғийбат қилас, асосий вақтини мўминларни ёмонлашга сарфлар эди.

Баъзи муфассирлар: «Ҳумаза ва лумазадан мурод хос бир киши эмас, бу оят ҳар бир ғийбат қилувчи шахсга тегишли», дейдилар. Буни Кархий Мужоҳиддан нақл қилган бўлиб, муҳакқиқларнинг мазҳаби ҳам шудир. Ушбу фикрга кўра, гарчи бу оят Расулуллоҳ соллаллоҳу алайҳи васалламни ғийбат қилган кишилар ҳақида нозил бўлган бўлса ҳам, у ҳар бир ғийбат

қилувчига түғри келаверади, хоҳ Ахнас ибн Шарийқ бўлсин, хоҳ Валид ибн Муғирига бўлсин ёхуд бошқа одам бўлсин. Имом Розий ҳам «Тафсири кабир»да шу фикрга қўшилганлар.

Муфассирлар «ҳумаза» ва «лумаза» сўзларининг маъносида ҳам ихтилоф қилганлар. «Жавоҳирут-тафсир»да нақл қилинишича, баъзилар иккисида ҳам ғийбат қилувчилар назарда тутилган, дейдилар. Калбийнинг Ибн Аббос розияллоҳу анҳумодан қилган ривоятига кўра эса, ҳумаза – орқадан ғийбат қиладиган, лумаза эса одамни бошқалар ёнида юзига лаънатлаб, сўқадиган кишидир. Аммо Сулаймон Жамал «Тафсири Жалолайн»га ёзган ҳошиясида («Ал-Футухотул илаҳийя») Ҳасан Басрийдан бунинг аксини нақл қилган, яъни ҳумаза – одамлар олдида кишини ёмонлайдиган, лумаза эса орқадан ғийбат қилувчи кишидир. Имом Розий «Тафсири кабир»да имом Абу Зайддан: «Ҳумаза – одамларга қўли билан озор берадиган, уларни урадиган кимса, лумаза эса одамларга тили билан озор берадиган кишидир», деган сўзни келтиради. Хуллас, бу оятда Аллоҳ таоло ғийбат қилувчиларга ўта қаттиқ азобни ваъда қилган. Одамларга ҳайронман, бошқаларни ғийбат қилиб, ўзини Аллоҳ таолонинг қаҳру ғазабига гирифтор қилишади. Ҳеч шубҳа йўқки, агар Аллоҳ таоло адолат билан ҳисоб-китоб қилса, ичимиизда бирор киши нажот топа олмайди.

Аллоҳ таоло барчамизга Ўз иноят назари билан қарасин! Омин.

Ҳикоя. Саъдий раҳимаҳуллоҳ айтади:

Тариқатшиносони событ қадам,

Ба хилват нишастанд чандий ба ҳам.

Яке з-он миён ғийбат оғоз кард,

Дари зикри бечорае боз кард.

Касе гуфта-ш эй ёри шўрида ранг.

Ту ҳаргиз ғазо карда-и дар Фаранг.

*Гуфт аз паси чор девори хеш,
Хама умр наниходаам пой пеш.*

*Чунин гуфт дарвеши содиқ нафас,
Надидам чунин баҳт баргашта кас.*

*Ки, коғир зи пайкораш эмин нишааст,
Мусулмон зи жаври забонаш нараст.*

Назмий маъноси:

*Неча сабитқадам аҳли тариқат,
Бирга ўлтиридилар хилватда бир вақт.*

*Бирори ғийбатни бошлади секин,
Очди бир ғарифнинг айблов эшигин.
Бири унга деди: «Эй шўрлик башанг,
Фарангда коғир-ла қилганмисан жанг?*

*Деди: «Мен уйим тўрт деворидан ҳам
Умрбод ташқари қўймадим қадам».*

*Деди содиқ нафас дарвеш ул они:
«Кўрмадим ҳеч сендек баҳтиқарони,*

*Кофир тиғингдан ҳеч зарар құрмабди,
Мусулмон тилингдан омон бўлмабди».*

Насрий баёни: Тариқатни билувчи, қадами событ кишилардан бир нечаси хилватда бирга ўтирган эдилар. Улардан бири ғийбатни бошлади. Бир бечорани зикр қилиш, яъни ёмонлаш эшигини очди. Бир киши унга: «Эй шўрпешона дўст, сен ҳеч Фарангда (кофирлар билан) уруш қилганмисан?» деди. У: «Умр бўйи ўзимнинг тўрт деворимдан ташқарига қадам қўймаганман», деди. Содик нафасли дарвеш унга шундай деди: «Сендеқ баҳтиқаро кишини кўрмадим. Кофир унинг урушидан эсон-омон ўтиrsa-ю, мусулмон унинг тили жабридан қутула олмаса», яъни кофир унинг қўлидан азоб кўрмаса-ю, мусулмон унинг тилидан саломат бўлмаса.

«?Ғийбат ўзи нима»

Муҳаммад Абдулҳай Лакҳнавий

Таржимон: Ёрқинжон Фозилов

[1] «Иҳёу улумид-дин»да Мужоҳиддан нақл қилинган.

[2] Ҳумаза сураси, 1-оят.